

T5236.05/4462

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

92

文苑英華卷第四百三十六

翰林制誥十七

德音三

賑恤德音下

通青蝗旱賑恤

一作優卹蝗旱詔州詔

編制

門下朕嗣守丕訓恭臨大寶兢兢業業十有三年何嘗不
惠下以愛人克己以利物外無畎遊之樂內絕土木之功
澆衣菲食宵興夕惕厚於身者無不去便於人者無不行
損辭方之砥貢驅時風於朴素將以弘祖宗去度致夷夏
雍熙心雖勞於九壤道未遜於一取領惟不德慙歎方深
今雖遐邁甫寧忠良叶志五兵戢其鏖乃百姓絕其征行
勤求理道日冀平泰而去秋旱蝗所及稼穡卒瘁哀此蒸

文苑英華卷第四百三十六

翰林制詔十七

德音三

賑恤德音下

淄青蝗旱賑恤

一作優卹蝗旱諸州詔

編制



門下朕嗣守丕訓恭臨大寶兢兢業業十有三年何嘗不
惠下以愛人克己以利物外無畎遊之樂內絕土木之功
浣衣菲食宵興夕惕厚於身者無不去便於人者無不行
損群方之底貢驅時風於朴素將以弘祖宗法度致夷夏
雍熙心雖勞於九垓道未進於一取顧惟不德慙歎方深
今雖遐邇甫寧忠良叶志五兵戢其鋒刃百姓絕其征行
勤求理道日冀平泰而去秋旱蝗所及稼穡卒瘁哀此蒸

人懼罹艱食是用順時布令助煦育之深仁施惠覃恩法
雨露之殊澤其淄青兗海鄆曹濮去秋蟲蝗害物徧一作

甚其三道有去年上供錢及斛斗在百姓腹內者並宜放
免今年夏稅上供錢及斛斗亦宜全放仍以當處常平義
倉斛斗速加賑救京兆府諸州府應有蝗虫米穀貴處亦
宜以常平義倉及側近官中所貯斛斗量加賑賜灾旱之
餘撫養尤切眷茲長吏必在得人應遭蝗虫處刺史委中
書門下精加訪察如有煩苛暴虐貪濁懦弱者即須與替
邦畿之內徭役殷繁言念疲人固資矜恤京兆府今年夏
青苗錢宜量放一半應遭蝗虫及旱損州縣鄉村百姓公
私債負一切停徵至麥熟即任依前徵理及准私約計會

其遭蝗虫及旱損處准勅添貯義倉每畝九升斛斗去秋
合徵在百姓腹內者並宜放免其天下州府貸種糧子在
百姓腹內者更不要徵閉糴禁錢為時之蠹方將革弊尤
藉通商其見錢及斛斗所在方鎮州府輒不得擅有壅遏
任其交易必使流行仍委出使即官御史及所在度支鹽
鐵巡院切加勾當兼委轉運使設法舫運江淮糙米於河
陰積貯以備節給賑濟累時以來水旱時有方隅郡府杼
軸屢空厚下所以安人哀多由其稱物至於徵歛亦在寬
恤應方鎮州府借便度支鹽鐵戶部錢物斛斗經五年以
上者並宜放免天下百姓欠吏欠大和九年以前官錢斛
斗家業蕩盡無可徵納囚繫囹圄動經歲年者亦宜放免

行獄之重人命所懸將絕寃濫必資慎恤京城百司及畿
甸見禁囚徒委中書門下差官踈理無使寃濫輦轂之下
法在肅清奸盜竊發理難容舍親仁坊今年五日賊依前
委京兆府左右街使鳳翔邠涇金商同華等州切加捕逐
如獲頭首准法科斷其餘支黨一切不問於乎唯此凶災
是彰菲德情敢忘於罪已惠所貴於及人施令布和期於
蘇息九厥臣庶宜體朕懷主者施行開成三年正月二十
四日一作皆唐大詔

賑救諸道水災德音

一作優恤水災諸州敕

編制

勅朕以寡德臨御萬邦宵旰憂勤匪敢自暇然仁未及物
誠不動天陰陽失和水潦為敗致茲災沴害及生靈江淮

之間滁和尤甚當宁軫惕未言疚懷其淮南道滁和兩州
應水損縣據所申奏漂溺人戶處宜委本道觀察使與本
州刺史子細檢勘全放今年秋稅錢米仍以義倉斛斗逐
便據戶賑接一作其浙西浙東宣歙鄂岳江西鄜坊山南

東道並委觀察使與所在長吏據淹損田苗漂壞廬舍及
虫螟所損節級矜戒指實奏聞如沒溺甚處亦以義倉量
事賑救一作其京兆府河南府所損縣即據頃畝依常例

檢覆分數蠲減州縣牧宰各務撫安必令均濟稱朕意焉

一作用

稱朕意大和四年十月九日

一作皆唐大詔令

雨雪賑濟百姓德音

編制

勅朕聞天聽自我人聽天視自我人視朕之菲德涉道未

明不能調序四時導迎和氣乃自去冬以來踰月雨雪寒氣尤甚頗傷天和念茲庶眚或罹凍餒無所假貸莫能自存宵寢一作宵載懷旰食興嘆悚惕若厲在一作時余之辜思弘惠澤以順時令其天下犯死罪已下除官吏犯賊及故殺人者餘並特降從流流罪已下迺降一等應京兆府諸縣宜令以平常義倉斛斗量事賑濟仍先從貧下戶給其京城內鰥寡孤獨不能自濟瘖聾跛躄窮無告者亦與京兆尹兩縣令量如賑恤訖具所破數聞奏躬一作須一作自省閱務令均贍其諸道雨雪過多處亦委所在長吏量事優恤於戲天生蒸民君以牧之朕憂勤政經思致于理言念赤子視之如傷天或微余示此陰沴撫躬夕惕余甚悼焉布

書通明悉

一作知

朕意

太和六年正月十八日

一作皆唐太詔令

賑恤諸道遭旱百姓勅

詔令作以旱賑救畿內諸道勅

編制

勅朕承上天之眷佑荷累

舊唐書作列

聖之丕圖宵旰兢

唐書作憂

勞不敢暇逸思致康乂八年于今而水旱流行疾疢屢作

唐書作疾疫作沴

兆庶艱食札瘥相仍蓋德未動天誠非

唐書作未感

物一類失所有

唐書作其

過在予載懷罪已之心深軫納隍之

歎宜敷惠澤式表憂勤如聞自去年以來河東關輔亢旱

為患秋稼不收百姓之中頗甚困窮

八年詔令作人甚困窮

今方春

唐書作春作

之時須務農事

唐書作農務又切

若無

詔令作不賑救恐至流

亡其京兆河南河東河中等九州府宜賜粟五十六萬石京兆府賜粟十萬石河南府河中府絳州各賜粟七萬石

同華陝魏晉等州各賜粟五萬石並以常平義倉及折糴
斛斗充如無本色即與運米折給仍委本州府官長詔令
吏明作等第差清強官吏對面宣賜先從貧下戶起給其
京兆府太和六年青苗權酒錢在百姓腹內者並且放免
稅以前諸色逋縣除所由車戶已徵得外在百姓腹內者
一切放免議獄恤刑前王攸重苟有寬滯即傷陽和應在
城諸司諸軍諸使應有囚徒速宜踈理限七日處分訖奏
聞河南府等八州府勅到後亦宜准此處分諸色工役非
灼然交切者並勒停省應久旱處管內名山大川能致風
雨者亦委長吏精誠禱請水旱之數雖云常理導化失節

可致咎災顧惟寡昧敢忘克責常叅官及外府州長吏如

有規諫者各上封事極言得失俟有主詔令正期于阜安

咸啓乃誠用致於理無或有隱以忝在公內外官有貪暴

殘害蠹政害人者憲詔令司宜糾察聞奏朕為人父母屢

奉丕業夕惕若厲夙夜匪寧戒膳撤縣庶答天誠咨爾長

吏實分予憂勉加撫綏用副惻隱庶切救災之義爰申為

上之懷中外臣寮宜體朕意大和七年正月二十四日

賑救諸道百姓德音

編制

勅朕以寡德託于兆人之上雖兢兢業業思理不怠而政
道多闕和氣用傷仍歲水旱黎人艱食為之父母斯心鬱
陶如聞魏博六州阻飢尤甚野無青草道殣相望及山南

東道陳許鄆曹濮淮南浙西等道皆困於飢疫慮乏種餉
其魏博宜賜粟五萬石山南東道陳許鄆曹濮等三道各
賜糙米三詔令萬石充賑給委度支逐便支遣仍各令本
道據飢乏之處賑給淮南浙西兩道委長吏以常平義倉
粟賑賜應諸道有飢疫處除出軍糧積蓄之外其屬度支
戶部斛斗詔令作並令減價出糴以濟貧人其有牧宰非
才貪殘為害及承前積弊須有條流或寃獄留滯速宜踈
決者並委觀察使糾察詳訪具狀聞奏用彌天眚以副朕
焦勞之慮焉太和九年三月二十二日

賑恤江淮遭水旱疾疫百姓德音 編制

門下朕以寡昧嗣守曆圖奉列聖之丕訓撫寧四海受一作

膺

上天之景命司牧兆人敢忘勵志勤身虔恭寅畏雖動
思罪已而陰陽屢憊每念惠人而蒸黎尚困是由政教無
素玉澤不流精誠未達於玄穹災沴遂痛於下土是用中
宵輟寐未明求衣言念及此良深愧惕近者江淮數道因
之以水旱加之以疾厲流亡轉徙十室九空為人父母寧
不震悼此乃天之垂誠咎實在予焚灼于懷夙夜增懼當
宁興歎遂命使臣乘驛撫巡便宜救恤戒上供饋運發諸
道倉儲免積歲之逋租蠲逐年之常貢尚思災疫之後閭
里未安須更申明用示憂軫應揚潤廬壽滁和宣楚濠泗
光宿等州其間或貞元以來舊欠逃移後闕額錢物均攤
見在人戶頻年灾荒無可徵納宜特放三年待稍完復却

即令依仍一作舊或逋懸錢物斛斗數內先已放免度支却徵收者宜委本司細詳元勅磨勘如合放免不得追徵或先因水旱賑貸欠常平義倉斛斗若終不可徵收亦宜放免或今年合徵兩稅錢物量百姓疾疫處各委逐州準分數於上供晉州晉使三色錢內均攤放免或收管諸色逋懸錢物等年月深遠但掛簿書空務追徵益生勞擾宜委有司速勘會了絕蠲放不得留爲應在以資奸蠹之徒其濠泗宿三州大中六年以前所在逋懸宜亦放免或以常平義倉斛斗賑恤者宜委本司收破其賑貸者即待秋熟填納其所減上供運米及州縣諸色斛斗等已令減價糶貸救接百姓用止翔貴以濟周貧或每年進奉茜草藥物

紵練貢布等亦已條流節級停減已前諸色應蠲免節目等或已行勅令或見勅條流並委中書門下各令本州及本司速准此處分仍具各分折聞奏所有諸道放免事例宜委州縣於鄉村要路一一榜示遍令閭閻分明知悉又以數道疾疫百姓流亡未言宵旰之勤豈務珍華之貢其淮南宣歙浙西三道今年賀冬及來年賀正所進奉金銀錢帛宜特放免均融仍各委本道觀察使據所放均融貸貧下戶填納稅租其逃亡戶如賑恤使有所不該者亦以此更宜濟助務令孝息又江淮數州水旱相繼安南一境寇擾初寧公用之間必常虛竭但緣及時錫賫須遣使臣其淮南宣閩安南等四道今年冬衣使本道合與常例人

事物等亦宜權停於戲天灾流行自古未免屬在牧宰爲
吾撫安豈無惠育之方以濟凋殘之災如或守法不謹吏
緣爲奸紀律乖訛刑罰一作踰濫重繫者因循不省逮捕
者追擾滋多或征賦不均或徵科無等有一於此重困吾
人即何以消弭灾譴用康疲瘵宜委所在長吏慎恤刑獄
踈决囚徒必務躬親俾無冤滯檢轄暴吏懲殿慢官寬常
賦之征罷不急之務詳求病利悉以奏陳顛行良規用副
憂寄苟不遵詔旨尚務侵欺必正刑書義無容貸宣示中
外宜諒予懷主者施行大中九年七月十三日 一作皆唐大詔令

文苑英華卷第四百三十六

文苑英華卷第四百三十七

翰林制詔十八

德音四

招撫德音

長慶元年德音

詔令作討鎮州
王庭湊德音

元稹

門下朕嘗讀玄元書至於佳兵者是樂殺人因念自孩名
之逮于羈紲不三十年不能爲成人豈忍以一朝之忿驅
而殺之然而田弘正首以六州之衆歸於朝廷開先帝之
雄圖變河朔之舊俗除去苛暴昭宣惠和愛人如身養士
如子拊循教訓必以忠孝爲先是以魏之師徒一年而知
恩二年而知禮三年而相與讓於道矣故南征淮蔡東伐
青齊北定趙地元勳茂績皆自魏師肆我憲宗付之心膂

入則輔弼出則藩宣推誠不疑近實無比顧朕小子獲受
丕圖嗣守不遑何暇恢復而承元請覲冀部擇才苟非勲
賢不敢輕授是用咨我元老臨於是邦而又寵諸將以懋
官加三軍以厚賜集作復其租入惠彼蒸黎於此一方之
人可謂無有不至而梟音未革狼顧猶存忍害忠良恣為
殘賊臨軒震悼撫几驚嗟天乎不仁一至於此朕下為君
父上奉祖宗毀舟楫於鯨鯢嚼股肱於蛇豕尚欲因循恐
耻僂俛偷安非惟傷心於田氏之子孫亦將何顏謁先帝
之陵廟人神共憤卿士叶謀咸願誅夷用申冤痛便合興
師進討以剪奸兇尚念一軍之中豈無義勇倉卒變動必
非衆謀苟得其魁餘復何罪集作苟得罪宜令魏博橫海

膺義河東義武等軍各出全軍以臨界首仍各飛書檄具
諭朝旨如王庭湊能執首謀為亂扇動三軍者送付隣道
或就鎮州處置然後束身歸朝必當升一作獎授三品正
員官竝與實封二一作百戶其餘三軍將上一切不問其
中大將等或有能相喻勸翻然改圖者各隨事跡便當集
作加寵擢如王庭湊仍遂迷不寤諸道宜便進軍以特剪滅
苟不得已至於用師其有效忠則宜懸賞如有能梟斬兇
渠者先是六品以下官宜與三品正員先是五品以上官
節級升進仍與實封三百戶庄宅各一區錢二萬貫以一
州歸順者便與當州刺史仍賜實封二百戶如先是本州
刺史以一州歸順者升集作三資與官仍賜實封三百戶

以一縣歸順者升一作超兩資與官仍賜實封一百戶如有

能率所管兵馬及一作并以城來降者並升一作超三資與官

仍賜爵實封一百戶賜錢一萬貫以身降者亦與轉改仍

賜錢帛應付行營將士如有能梟斬兇渠者亦准前例處

分其有城鎮將士百姓等守節拒賊身死王事者各委長

吏優給其家仍具事跡聞奏當加褒贈其有潛謀誅斬渠

魁被其屠戮者宜一作便加追贈并賜錢帛仍與一子官

諸軍所至不得妄加殺戮及焚燒廬舍掠奪資產并有拘

執以為俘馘其管內州縣有能自置義營堡柵王師所至

能相率來歸各加酌獎時當秋候務切農功近界之人懼

廢耕織應緣軍務所須並不得干擾百姓如要車牛

及工匠之類並宜和催一湏各情願仍優給價錢賊平之後

應立功將士並與升資改官節級賜物其長行官健歸降

者亦當優厚褒賞幽陵變擾誠謂亂常以其旁及詔令賓

寮有異上品台鉉較其輕重示以招携尚開迷復之門用

廣自新之路如聞賊中文牒妄作異端皆云一作指朝廷徵

兵欲戎邊塞此皆狂詐扇動人心况今邊上甲兵人以備

禦欲令悉知一作委故重宣明仍委所在即時一作節將以此吉

諭昔者堯舜之俗比屋可封虞芮之人讓畔可感仁義則

水大可蹈忠信則蠻貊可行由是言之亦在化之而已逮

我理長何其遠哉豈朕之蒲假荒寧自聖而不可教耶將

朝之魁梧骨鯁自持而莫我念耶二者之來皆朕不敏內

省終夕其心浩一作歎然於虜封域之中干戈作矣廊廟罇

俎無忘弭寧布告朕懷以頌良畫主者施行八月十日

長慶三年德音一作破汴州李宥勅

編制

勅理天下者務安於一作於安遠邇致康濟者資懷於一作於懷兆

人朕統馭萬邦式敷王度任藩方以俾乂冀干戈之載戢

虔恭惕勵一作厲未始暫忘推予是心布及中外昨者夷門

逆將遽遂興師一作夷門遂將興師蒼皇變生士庶無告逆賊李

宥驅掠忍害流離毒痛在浚之郊若晁將爨逼脅我軍士

盜竊我戈鋌驅馳外坳敢肆蜂蠆朕所以丕降明命未即

誅夷一作未行天誅容其革心以俟迷復蓋以一方軫念三面開

羅將弘愛物之私用表好生之施而梟音恣醜狼顧憑兇

巢已焚禽息猶若光顏韓克曹華智興等感激忠勇揮

戈誓師雷奮鼓旗所向風靡逆黨殲殄郊原霧清熊羆之

師漸及摩壘夫疾風斯來而勁草方辨熾火將燎而良金

益明果聞義烈之臣奮起轅門之內一揮斬首三令無喧

嚴城洞開以候來師未言忠效是賜寵章其梟斬逆賊李

宥宣武軍都知兵馬使李質已從別勅處分忠武兗海汝

寧鄭滑等軍將士等感主帥之忠誠忘身赴敵視寇仇而

忿嫉決命爭登高承簡以睢陽一郡之師當蛇豕奔衝之

勢咸能勦其醜類如刈草菅各振軍聲用宣武略其忠武

交海汝寧鄭滑應赴行營及宋州將士等竝節級各有賞

物已別處分支遣一作給委本軍據功勞額例給散歸還之

時仍加宴勞朕念彼無辜墜茲塗炭橫為凶險驅脅傷夷
其汴州管內州縣官吏軍鎮將健及諸色職掌人等皆罹
脅汗自拔無由撫事量情亦可矜恕除同惡巨蠹者其餘
一切不問仍加榜示如或妄有恐嚇言告者科其反坐之
罪干戈暨興里閭必害眷言農畝是廢耕桑其汴宋鄭三
州罹此兇逆士馬屯集供給一作繫併繁雖事乃旬一作狗時
而人亦勞止予懷軫念豈忘憂矜其三州府一作界內有兵
馬所到縣百姓或被驚擾處宜於今年秋稅內三分量放
免一分仍委州縣長吏切加綏撫其賊中雜差點子弟夫
役竝宜放還鄉里俾安生業其中有不能自存者量事優
恤應百姓中有被分外無名賦歛者竝當持勤停義士忠

臣見於死節賞功褒美冀及傷克惠恤其孤庶明報効官
軍有陣亡將士等并李宥為亂已來有潛謀孝順誠節可
嘉并因此遇害者竝委本道一作軍審勘具名銜事跡申奏
當與甄獎及加褒贈仍令本軍優賞一作給其家三年不停
衣糧并委所在州縣速於收葬量事致祭其將士有因戰
陣傷損尤甚以至一作致殘廢者各委本軍加厚優恤仍勿
停解掩骼埋胔國之令典逼於兇醜誠可傷嗟念其本亦
吾人蓋亦事非獲已經戰陣處所有賊中遺骸竝委所在
州縣隨事收瘞勿令暴露於戲吊伐之道予遵格言靖寇
安人豈忘終日朕載橐弓矢思保黎元而雨露所均動植
所繫一夫竊歎朕每興懷况茲浚郊都邑之會所以慎擇

將帥期於乂安今寇孽已清封壤寧息師之所處用軫予
衷將申宥恤之恩庶息瘡痍之後布告中外咸使聞知
二十
五日
一作皆唐大詔令

叙用勲舊武臣德音

編制

勅朕聞昭德示威先王所以用武禁暴夷難後代安能去
兵故文德誕敷武備宣耀外以環禦四海內以底靖中原
則軍旅之制有經師律之能必表朕慕承鴻業虔奉丕圖
霄分求懷何以康濟豈獨鼓鞞有感方思將帥之臣征伐
為心乃寵干戈之士况文武竝用古之格言勲舊不酬勞
者何勸惟我高祖太宗以晉陽之旅平一海內肅宗以靈
武之衆收復二京代宗有郟郊元從之臣德宗有奉天戡

難之士每念勲伐無忘寢懷如聞近日武班之中淹滯頗

久雖負才畧無由足

一作是
又作自

明又有諸道薦送大將或隨

節度歸朝自今已後宜令神策大將軍軍使及南衙常參
武官各具由歷授官年月前後功績

一作勲

牒送中書門下

若勲伐素高人才特異者候有相當用處即具聞奏量加

獎擢其常參武官資考深久未得遷轉者准具員年月與
改轉不得令有滯淹其先授文官者亦宜準此使幕賓僚

皆有年限

一作代

改轉軍府

一作將

大將豈可獨不序遷自今

已後諸道節度都團練經略等使下各隨本處是大將名
目已曾授監察已上官者竝限三周年量與改轉如有功
效合非時與改轉者不在此限其職名是兵馬使都虞候

押衙已上前後並未曾奏官者亦仰量績効奏官轅門委質營壘分師有役干戈無由耕稼一作稼况自天寶已後屯

兵七十餘年皆成父子之軍不習農桑之業一朝罷歸隴

畝頓絕衣糧言念饑寒深用嗟憫應天下節度都團練防

禦經畧等軍所置軍數各委本道據守舊額以度一作為定

數不得輒有減省其有逃亡病死及過犯解退當時揀擇

有武力藝能者添補奮於行陣決命殞一作殞軀不顧危亡

每嘉忠烈官健有死王事者三周年不得停本分衣糧如

有父兄子弟試其武藝堪在軍中承名請衣糧者先須收

補孝本安親深惟一作惟深養老數恩惠以慰耆年應軍將及

官健有父母年及九十以上委本道本州每至節歲量與

酒糶優養守塞備邊固不可廢烟塵既靜亭障無虞諸道

舊有防秋兵馬已在邊上者自依年限替代近者師旅屯

集饋餉頗多不免於諸道留州留使錢內每貫量留三百

文以充國用幽鎮既以洗雪供費亦漸有常其河北諸道

及山一作河東兗鄆淄青汴宋陳許徐泗澤潞河陽鄭滑等

道并邊上諸鎮並不用抽一作得刀斗晨嚴烽烟夜謹勤勞

沙塞寒苦邊陲其沿邊鎮戍烽子等並委所管節度及城

鎮使量與優賞仍與交番上下使其勞逸得均使命往來

本於傳達軍期緊急遂至繁多其惟郵傳不供抑亦號令

難一自今已後應緣山東行營兵馬未歸本道已來進退

事機並宜轉委節度使仍仰一作仰舊弊一一奏聞除事關

迫切須遣專使外其餘書詔文牒一切分付度支入遞發
遣制使中使到諸道行營不得
又人事錢帛及行非理
鞭朴當加訪察義不優容權筦之設誠為救弊隨方適變
所貴便人其河南河北鹽法宜委鹽鐵使與節度使審度
會計商量務以便人為法閱習上則通吏理既因試效
可驗政能應河北諸道宜委觀察使訪察管內見攝官中
如有實一作或清強有才能課績者具前後所攝年月并事
跡聞奏當與正一作改授從政之方必原風俗視人相土乃
合所宜施張在達於無私法令所期於不擾一作撓應河北
諸道并鄆兗青等州道應有新舊科條有不便於人不宜
務俗者委宣慰使與所在長吏商量廢置務從人欲於戲

朕戴天子人操執重器不以四海之富而恃其力每以百
姓為念而兢于心慮文教之未敷思武畧之多闕所以輟
食當宁求衣未明揣摩萬機寧止三省頃以馭一作御宇之
歲藩方又安委于廟諒以輯軍政而有司不達苟以惜費
為心致茲停減之名無裨毫釐之用使軍中老幼愁歎無
歸朕博聽群言用革前弊舉其指一作旨要冀叶群一作人情
庶乎侯伯列城與我師旅勵精撫士用副憂勤中外布宣
明知朕意長慶三年三月十日一作皆唐大詔令

長慶三年德音一作赦鎮州德音

同前

門下仲尼有言詩云執轡如組審此言可以為天下也蓋
為聖人組修其身而文於彼故伯益贊禹則曰滿招損

謙受益所以服有苗夏后啓亦云吾德未至教未善故能
克有扈苟齊俗有禮化人以躬尚可感於神明柔於蠻貊
况累聖遺教昇平舊風堅金在鎔惟人之所鑄猛獸在柙
由人之所馴因而撫之敢忘前訓朕以菲德慕承鳴緒屬
先皇掃刷中寓康濟兆人八表晏然五兵咸息常兢懷於
繼述思致理於和平豈以樂戰爲心佳兵在念而鎮州以
承宗云亡自歸誠欵幽州以劉總懇志願釋兵符相繼來
同無思不服非朕勤於遠畧力以致之亦旣綏柔咸加霈
澤不愛金帛以惠我戎士不恡爵賞以寵其偏裨復以一
二台臣常推謹厚一作愿庶將朕志以靖方隅而佚於旣安
莫能思忠曾未累月旋聞叛離朕亦欲因其人心命將興

解頤念弘正盡忠先朝身嬰陷

一作伐

害受於

一作家受

屠戮爲

之元首能不痛心是用下制先申告諭求其兇惡冀釋幽
冤仍令四面節制各守封境不欲遽加誅討所望自效忠
誠而將士等懼罪以相保王庭湊爲衆所逼固其封壤捍
以兵鋒每聞戰爭未念黎庶爲之君父又何忍乎是用輟
食忘寢晝夜萬慮恭惟烈祖之訓必用兼愛之心務以安
人爲國本不以窮武爲威力顧予寡昧敢忘遵承爲追念
而一作以興師已極君臣之分爲一作以軫憂而捨罪豈非帝
王之道况王庭湊倉卒之際固一作本非始謀接之以恩榮
自當展其志義委之以戎鎮必冀效於勲庸禍福無門行
之則是弛張在我用亦何常苟推信誠便保忠順苟得其

衆孰非吾人擢而任

一作用

之式示光

一作榮

寵宜特含雪仍

授檢校右散騎常侍兼鎮州大都督府長史御史大夫克

成德軍節度鎮冀深趙等州觀察處置等使應成德軍將

士官爵

一作吏

一切依舊待之如初仍令兵部侍郎韓愈充

宣慰使於戲朕於彼三軍惠非不至於彼闔境恩非不周

今弘寬大之典以應陽和之令使離散者見親愛之樂暴

露者歸室家之安各宜感悅以就寧泰布告中外體朕意

焉主者施行

一作皆唐大詔令

朝元御正殿德音

同前

勅朕以寡昧獲守重器兢勵

一作厲

畏惕于茲五年皇王之

事罔不修備而大典有關舉而補行

一作行

之粵以元正朝

于正殿百辟咸序萬方來庭思欲推至仁以布和奉夫

時以

一作而

施令况上玄貽慶列聖垂休輔于予躬以致寧

復思與臣庶同被慶靈俾茲囚隸亦洽流澤自今年正月

一日以前犯死罪者並降從流流罪以下遞減一等其故

殺官典犯賊犯十惡者並不在降等之列左降官未曾經

量移者與量移近處流人各據本年限與減一年如本限

止一年者放還朝賀之禮國之盛事肅恭班位敷贊威儀

俾申慶賀以示弘普其應元日緣朝賀行事官三品以上

賜爵一級四品以下加一階文武常參官并六品以下及

宗子應陪臣者并諸道賀正使各賜勳一轉先已至上柱

國者任廻與周親諸藩陪位賜物有差今兵革甫寧典常

未一作粗舉雖慙至理可謂小康唯水旱猶虞黎元一作蒸黎重

困公私蓄積頗有未豐宜令諸道觀察使刺史各具當處

利害其有弊事可革有便一作益於人者并言何術可以漸

致富庶附驛以聞亦不用專使詣闕以為煩費其封畿之

內百姓利病令一作委京兆河南尹具以條奏於戲束帶立

朝必咨忠讜濟時利物式佇謨猷其文武百寮各上封事

極言得失無有所隱如有事可施行者便委中書門下量

加獎用朕以執契馭時任賢興化孜孜王道期致太和凡

在官寮宜悉此意長慶四年正月一日一作皆唐大詔令

文苑英華卷第四百三十七

文苑英華卷第四百二十八

翰林制詔十九

德音五

征伐德音一

伐劉闢德音詔今作招諭劍南諸州詔

編制

門下朕聞皇祖玄元之誠曰兵者凶器也不得已而用之

恭惟聖謀舊唐書常所祗服故雖唐書文誥有所不至誠

信有所未孚姑唐書務安人必能忍耻朕之此志亦可明

徵近者德宗皇帝舉柔遠之規授宰衡之傑詔今弘我廟

勝遂康巴庸故得南詔入貢西戎寢患績成始著詔今元

臣喪亡劉闢乘此變故坐邀符節朕以枉成唐書命者

雖乖於理禮從權便者所冀於輯寧竟違卿士之謀遂允

僥求之志朕之於闕恩亦弘矣曾不知負牛羊之力飽則

逾兇畜梟獍之心馴之益悖狂惑士伍圍逼唐書無遺干紀之辜擢

隋戎臣塞絕劍路師徒所至燒掠唐書作劫詔令關之罪非朕

髮難數朕為人司牧育唐書作字彼黎元在詔令關之罪非朕

政舍是用叶群率之謀除百姓之害永清妖孽底定一方

伐罪吊民於是乎在其逆賊劉闢在身官爵並宜削除今

王師鼓行尋濟天險梓潼成守已解攻圍座如注營坐看

撲滅其西川將士如有乘此聲勢翻然改圖梟斬兇魁以

效誠節者必當特加爵秩高位重賞朕無愛焉其餘將吏

等但能去逆效順以所領歸降者超三資授官以一身降

者亦與改轉長行官健歸順者並與叙錄仍加賞給其西

川管内刺史等當其阻亂孰克靜科雖章表未通而衷誠

可見今能歸款亦仍舊職如或乘機立效因事建功並特

加賞務極優厚夫皇王之道吊伐所加義在除殘誠非樂

戰故脅從罔理必誠於徂征焚溺是哀俾興於後怨禁暴

止亂其在茲乎况有跡陷兇徒心非黨惡歸我無路遂至

淪胥言念斯流尤深軫惻所以明諭將帥罪止渠魁其餘

漆汙一切勿問布告遐邇咸懷朕意詔令作且悉朕懷

詔討鎮州王承宗德音

編制

門下天地以太和一作德煦物而高秋勵肅殺之威皇帝以

至道育人而前王設誅討之一作罰典於是乎有版泉之役

有舟浦之師一作威情豈佳兵義存禁暴朕嗣膺寶曆於茲

五年以惕厲居于人上以仁恕撫于天下恭惟文祖之訓
敢以武功為先昨者吳蜀興妖師徒獻捷朕每念陳原野
之衆行鉄鉞之刑雖舉燹章頗有慚德蓋不獲已豈樂於
斯王承宗頃在苦廬潛窺戎鎮而內外以事君之禮將唐書
非作逆而必誅分土之義專則有辟朕念其先祖常有茂勲
貸以私恩抑於公議使臣旁午以告諭孽童俯伏以陳誠
願獻兩州期無二事朕欲收其後效用以曲全授節制於
舊疆齒勲賢於列位况德棣本非成德所管昌朝又是承
宗懋親俾撫近鄰斯誠厚澤外雖兩鎮中實一家而承宗
象恭懷奸宵貌稔禍欺裴武於得位之後縲昌朝於文命
之中豺狼之心飽之而愈發梟獍之性養之而益生唐書
作

加以表疏之間悖慢斯甚神祇所一有不捨一作天地所

一以不容智士所以奮懷義夫所以興憤式遏亂畧期於

無刑龔行天罰示于有制其諸道諸軍進討兵馬已從別

敕一作處分王承宗在身官爵並宜削奪其鎮州管下一作

作將士官吏等久在戎行未知朝典或陷於邪說或迫以

寬威雖有忠誠無由自達但能效順即是王人上惟自新

一豈止當加寵渥其有能回戈殄一作寇因事立功特有

褒崇不拘資次貴爵厚祿設之而高懸實封名藩待之以

懋賞其以一州歸順者便與當州刺史仍賜賞二百戶如

先是刺史以州歸順者超三資與官仍賜實封三百戶如

以一縣歸順者超兩資與官賜實封一百戶其長行官健

歸降一作者亦當一作優厚褒賞如將校內有讎然改圖

梟斬元惡者授以不次之位寵以殊常之封王承宗如能

革心悔過束身歸朝待之如初一切不問仍賜舊官爵別

加寵授九字一作仍準於戲王者之師蓋除於暴亂止戈

之武豈願於傷殘而承宗不能負荷舊勳祇承新命自貽

其咎寧怨於天丞一作此與戎至於用鉞固非素意用歎

干懷百辟萬方宜諒朕志宣示中外咸使聞知元和四年十一月十日

日一作皆
唐大詔令

討王庭湊德音一作

編制

門下雷庭雪霜上天所以成物明罰勅法聖人垂之易象

豈陽春不可以獨化將輔理一固在於威刑乎則遏亂禁非

天齊俗諒有為而然也何則三綱五常王化之正本彰

善殫惡國經之大防君人者苟不提此柄以示天下是納

人於陷穽道俗於豺狼而欲家固人安上和下順猶北轅

而適楚也李同撻罪暴寰宇告之則悖寵之益凌亂君臣

父子之紀綱棄覆育生成之恩義則緩討之命蓋不得已

焉而王庭湊為一作我藩臣久膺寵命致爵位於擾救之

際齊恩澤於忠義之倫贖過圖功宜百群帥而首扇同撻

使起自墨纒黨惡之心劇於武兇負德之醜逾于一作梟

獍驅忠義之旅以授兇渠率悅順之人以侵鄰壤藩方統

帥飛䟽互來朝右公卿懇章繼奏皆期鳴鼓問罪奮戈啓

行朕道希包荒志在含垢多端曲護大開坦途諭之使致

王庭湊

奇功告之將酌重位顯招密示抑義降心繼馳信臣累諭

深旨而傲狼弭甚兇肆不悛歸一作刑惡言於布一作報章資

盜糧於狡寇拘四隣忠告之使堅一境代襲之謀與逆豎

為輔車絕舊歡於姻好屢有降卒備驗奸蹤潛軍入援或

作德棣縱燎以焚瀛莫河東易定被毒騷然憲誠從諫見

侵相繼加以猜戮無辜安忍逞欲有族坑屋誅之令極削

下僭上之圖井邑御寬道路以日自頃冀其迷復未議加

刑但令閉境猶希補過而乃大舉將卒期覆定州取怒人

祗迎風尾解稔慝構亂前古罕見若尚為包容則孰分逆

順其王庭奏在身官爵並宜削奪應諸道州鎮接界處各

宜遂便攻討其鎮州將士如有梟斬王庭奏者先是六品

以下官者便授三品正員官其先是五品以上官者節級

超獎仍賜庄田各一區錢二萬貫兼授以土地及賜實封

如有能率所管兵馬以州郡來降者超三資與官仍便正

授刺史賜錢一萬貫以城鎮來降者超兩資與官仍賜錢

五千貫如先未有官者即特授三品四品官如以一身降

者亦與改轉仍賜錢帛其諸道將士有因立功能梟斬庭

湊者亦准前例處分成德一軍山東所賴扼制徑險控東

河防武俊之拯橫流承元之變舊俗言念誠節何日可忘

智知父兄見劫妻子為質愍惻之志朝夕在懷當無疑謀

自致恩外昔光武存大信而捨朱鮪魏祖推至誠而納張

綉非無故事朕不食言如庭湊自能束身歸朝並與洗雪

若執迷安禍罪止其身其餘脅汙一切不問縱有跡涉逆
節事出一時劫於兇威並從寬宥四州之內如有謀為向
順屈於垂成家族無辜殘酷所及者宜優加追贈并賜錢
帛其有子孫得脫免委四面節度切加搜訪當議與官四
州管內百姓久困冤害橫摧挾制念同赤子莫匪吾人諸
軍所次不得妄加殺戮并焚蕪廬舍暴掠財產及有拘繫
以為繫囚四州百姓久廢生業如有歸投各宜存撫老幼
丁壯量加優恤仍給與空閑田宅使之如歸事平之後願
還本貫亦聽於戲原野陳師雖前王之不免干戈屢動諒
非德之所興孤我宿尚良深撫然咨爾輔弼之臣暨于藩
守群帥爾尚悉乃忠力匡予寡昧經遠猷以端理本恢上

畧以速戎功緝庶政以康中邦明大教以昭昧俗宣示

外俾知朕懷

太和元年九月十一日

一作皆唐大詔令

破李同捷德音

編制

勅王者誅暴亂吊傷殘明賞報功極弊緩衆蓋為邦之大
紀也李同捷頃自先朝擅謀專土輒抗成命私行墨纒暨
朕臨御實思含垢授之以充海諭之以詔書使臣相望兇
志自若而更挺袂結黨劫衆阻兵毒流無辜害被闔境繇
是蕃臣潛詔令懇卿士獻規至于興戈諒非得已自元戎
環壤王旅進攻如窺危巢颺振稿葉動必乘彼詔令機會
退皆扼其咽喉故戴義啓入郭之殊庸李祐展下城之勝
略累稔逋寇一朝削平此誠天人合符中外叶力永言勳

效無忘晤思其戴義及李祐應加爵命并幽州及齊德兩道在營立功將士各有賞賜並已從別勅處分其賜物仍委度支逐便速與支送仍命使臣分往宣諭各於當處厚加宴勞其立功軍將未經寵授者委戴義李祐即差次等第速具聞奏即有甄獎用答勲勤李同捷力屈計窮方圖轉禍朕好生存信初議貸刑而面縛在途陰懷狡計夜縱火號潛誘家僮更謀網漏自速梟獻憫彼亮魁坐沉家族顧茲貽感載軫于懷其母孫氏妻崔氏併男及家口等並宜特從寬有令於湖南管内諸州有空閑處安置其歸降將卒不涉翻覆者與戴義李祐審細勘責各與衣糧分配驅使其滄景等州將士有謀執兇黨竟遭誅夷或雖被劫

致能全名節者並委李祐按實條奏量加贈錄其滄景德棣等四州百姓有是近日被賊點名圍結者並放歸營農除非同惡相濟以死拒命者餘一切不問四州百姓久陷汙俗每罹威害莫匪一吾人今既脫難當施德令並宜給復一年不能自存者量給種食其刺史縣令仍委中書門下慎擇循良俾加存撫庶諸將校自經戰伐或致死亡載念捐軀良深憫歎並委李祐審加勘定具名銜事跡申奏即與褒贈其長行官亡者並令所在長吏量與收葬同為祭酹其有家口各委本軍優恤仍三年無絕糧賜其有因中矢石遂至殘廢者各委本軍厚加存養仍給衣糧終身勿絕勅旨有未該者委戴義李祐比類更作

條件奏聞其昭義義武等軍行營在賊境者比相倚角皆
有功勤各別有處分於戲整師除害義切於安人撫俗策
勲道存於布德爰申彞典日又新邦咨爾多士宜悉朕意

大和三年五月十三日

討鳳翔鄭注德音

編制

門下王者之御天下也推至誠以格物委大信以任人故
能邦家用寧上下交感所以詔爵祿而不恡待臣下而無
疑豈謂變起股肱患生毗倚伺窹窹興嘆難弭于懷且負德
背恩干紀悖戾而古今未有能濟者蓋人神之所不容逆
賊鄭注氣本兇狂志懷奸逆害時蠹政卜射張皇行詐而
經述一作緣術多端黷貨而谿壑難滿情惟點白口可鑠金罔

胃包藏為惡滋甚朕處九重之內不得備聞擢於妄庸驟
列華貫入司喉舌出惣爪牙惟務廢忘不思報國棄生成
之恩義亂君臣之紀綱稔匿興祆前古未有罪同梟獍法
在必誅况詔旨既追已離城堞一作邑險謀且敗中路遽迴

又遙邇使人迎接逆賊李訓稽之國法豈遠常刑其鄭注
在身所有官爵並宜削奪士如有能奮揚義勇執戮渠

魁者先是六品已下官者三品正員官其先是五品

已上官者節級超獎仍各一區錢二萬貫如有能

率所管兵馬以州郡來起三資與官便正授岳牧仍

賜錢帛諸道將士雖各土非惟進功如被侵掩因事

立効者亦准前例節級處賊如能知義悔過束身歸朝

並與洗雪仍加寵獎幽明可鑑朕不食言但有款誠自通
即委諸道與奏若不能俊悞自取誅夷罪止一身其餘脅
汗一切不問其有迫於克威曾著失節顧存家族事出權
時待其平寧並從寬宥將士如有潛謀立功効順被其屠
戮並優加追贈并賜錢帛仍與一子官應州縣百姓陷在
暴害莫保性命誠可哀矜諸軍環境不得妄加殺戮并焚
毀廬舍掠奪資產及有拘執以爲俘囚如有歸投者委諸
道撫丁壯老弱量加優恤仍給與空閑田地便就生產事
平之後願歸本貫者亦聽鳳翔一軍素著忠義每臨霜雪
之際實見松筠之心嗚呼然義風簡在朕志其大將及軍士
並宜坦懷自處勿以爲憂兵革既平寵待如故鄭注初到

鎮日間有優賞軍士常事不足爲疑州縣百姓亦當優給
復勉於自效以保令圖於戲佳兵者聖祖之所戒文德者
前哲之所崇肆予寡昧敢忘丕教然以齊四方者號令立
人紀者君臣斯言苟違大倫安設今則絕其奔軼示以申
嚴懷柔誠貴於止戈執惡何慙於用武布告中外咸知朕

意一作懷

大和九年十一月二十四日

一作皆唐大詔令

文苑英華卷第四百三十八

文苑英華卷第四百三十九

翰林制詔二十

德音六

誅罪德音

破党羗

一作平党項

德音

門下冒法干紀豈限於華夷伐罪弔人固資於典訓朕端
拱御寓六年于茲兢兢業業不敢荒怠

一作常恐一物失

所群心靡寧旰食宵衣思底于道屬者以党羗恣為侵叛
尤苦農商朕為人父母豈無憫惻雖傷財害物非朕躬之

願而禁暴定功實武經之要是以爰興師旅龔行天討而
兇渠稔惡稽曠歲時師宿旣勤物力將屈賴宗社儲社中
外叶心大搜妖巢盪定關隴誠殫財而周力亦暫費而來

寧今則軍功已成制置將就息戈解甲固在及時縱捨一作
捨罪緩刑所宜布澤南山党項爲惡多年化諭不悛頗爲邊
患近興兵士經歲討除拒官軍者悉就誅擒懼法令者皆
從逃竄大開湯網已施去殺之仁遠竝堯年寧限可封之
屋今聞殘寇無所依歸皆是王人豈忘惻憫其南山党項
已出山者或聞逼於饑乏猶行劫奪平夏不容無處居住
今委李福且先遣蕃官安存招誘令就夏銀界內指一空
閒田地居住所有從前掛涉惡跡者今一切不問唯再犯
疆界劫一作入山林或不從指揮即召募平夏党項精銳
者討逐議不容稔如能革心向化願同平夏即須投一作
誠獻款跡効分明撫馭之間便同赤子如有屈事即任於

本鎮投狀論理仍各令本鎮遣了事軍將安存平夏党項
素聞爲善自旬月以來發使撫安尤見忠順一如指揮便
不徇徃各守生業自茲必永戴恩信長被華風或聞從前
帥臣多懷貪尅部落好馬悉被誅求無故殺傷致令怨恨
從今已後必當精選清廉將帥撫馭羗戎明下詔條漸令
知悉靈鹽夏州邠寧鄜坊四道官吏自用兵已來責辦公
事亦甚辛勤軍將皆已得官文吏具名聞奏有官者與依
資轉遷無官差攝者當與正官仍具差攝年月申奏直須
公當不得轉授囑託如是將帥親情亦須具言四道百姓
徵歛不時差役至多疲瘵亦甚或聞屋宇被賊焚燒至于
桑麻亦遭砍伐生業既失須加安存宜各給優三年其有

無屋可居無牛可種者委長吏量事接借一一奏聞仍須
早設法招携令各歸復勿令豪富便占產業爲生自用兵
已來諸道應徵發之處所有將健或没于鋒刃或存被重
瘡一作瘡瘻雖經褒贈及曾優恤委本道更加存撫或自因廢
疾不任在公者終身不停衣糧如情愿回與子孫兄弟甥
姪者便與補替應討伐党項諸道在行營將士已頒賞賜
俟一邊上制置有敘績節級放還仍委本道敘錄具名聞
奏當奏甄獎自用兵已來京師與鄜坊邠寧兩道接界及
當路諸縣差役繁併物力凋殘若無優矜必難存立其今
年夏稅錢及青苗錢每貫量放三百文其斛斗糧量放一
平仍委京兆尹差官子細磨勘其或雖在鄉村不曾經供

應者不在准例放限仍一一條件等第聞奏如是分路處
就中更校便併者量加優恤必使均平其所放錢及斛斗
委戶部以實錢支填仍令京兆府及下諸縣散榜鄉村要
路曉示百姓務令知悉用兵以來城鎮曾遭陷没官健百
姓因被殺傷親戚無遺骸在野委所在長吏差人爲收
拾如法埋塋仍置致祭應有增收城鎮添置堡候一作戍
委所在將帥擇其要害絕彼窺覷切務堅完令可固守邊
上不許以兵器於部落傳易從前累有制勅約勒非不丁
寧近年因循却不遵守自今已後委所在關津鎮鋪切加
捉搦不得輒有透漏其有犯者推勘得實所在便處極法
其所經過州縣關津鎮鋪節級痛加懲責義無容貸其間

或情涉隱欺準所犯人處分党項本是邊畔只合州縣撫
馭致令一朝侵叛由於處理乖方既往不可加刑從今必
行法令一作必欲行法自此之後邊上逐界皆已有制置把捉如
或更有恙寇侵盜即是將帥依前貪求當先加罪於本界
邊將然剪逐寇賊通商之法自古明規但使處處流行自
然不煩饋運委邊鎮宜切招引商旅盡使如歸除禁斷兵
器外任以他物於部落往來傳易應緣徵兵處士馬皆効
勤勞亦以各有賞賜其本道將帥當續議量加酌獎京畿
及鄜坊靈鹽邠寧夏州并涇州鳳翔振武天德等道自用
兵已來人頗勞苦今頒德澤湏今山恩應見禁囚徒據罪
減一等唯官典枉法犯賊及賊中有持杖劫人故殺人等

不在此限如有積年逋賦必加徵督不得者委長吏條流
聞奏准格律大功已上親及女婿外甥不許連任自用兵
已來諸道節將及長吏權宜差親表主持公事兵罷之後
理當不然其三族內親竝不得令主兵權及充要職如是
元在本軍先充職掌者亦湏具名聞奏自用兵已來科配
百姓事取濟辯多出權宜令既罷兵諸道節度防禦刺史
及鎮使等不得更依前妄有科配仍令具本管侵害百姓
湏釐革者作條件聞奏自党項擾亂以來所在多被攻劫
白刃之下必有孝子順孫義夫節婦事跡有可稱者委所
在長吏察訪優恤其家仍具名聞奏將加旌異於戲蠻夷
猾夏固有用於常刑撫馭乖方遂致興於薄伐傷夷暴露

朕實愧焉是用覃恩以慰勞瘁布告中外咸使聞知主者

施行太中五年四月二十九日一作皆唐大詔令

洗雪南山平夏詔今作平夏德音 編制

勅平夏南山雖云有異源流風俗本實不殊我國家累聖已來許居內地又奉聲教亦立功勞朝廷撫綏常布恩信近者邊陲之帥制御乖方遂有凶悍之徒不率父兄之教或侵暴州鎮或攻掠道途告諭罔悛猖狂頗甚朕君臨區寓深念黎元凡曰含主皆同赤子但欲為人除害固非黷武佳兵每覩殺傷深多憫惻是以去年洗詔今作特雪平夏驅除南山及聞窮困無歸復有懷來之意遂令白敏中李安業分統諸軍先示招携仍加訓練但知非則赦免不得已

則誅鋤王者之師義實在此近得敏中狀申南山盡願歸峯瀝懇輸誠惟思展効請般運糧料乞要保護封疆閱其奏章深愜朕意比者或有剽劫必推南山南山或有寇攘亦指平夏既相非斥互說短長終難辯明祇益仇怨今則竝從洗雪咸許自新但能各務安全遞相勸勉保其生業絕彼侵踰從前所有僣違自此一切不問惟鹽州深居沙漠土乏農桑軍士運詔依糧須通商旅沿路堡柵事須修營今委李安業依朝廷制置差兵建築防守尤恐部落心懷疑慮委令李安業駐軍塞門朕之屈法從人斯為極矣若執迷不反干犯國章後悔難追深宜自省太中五年七月六日

洗滌長慶亂臣支黨德音

編制

門下皇王之令兇逆詔令作慝必寘於嚴誅天地之仁含育亦

存乎在宥除惡務絕其根本原情必諒於親疎慮與註誤

之嫌用安反側時舉寬弘之典盡滌瑕痕追惟長慶之初

亂臣賊子之輩人神共憤覆燾不容頃以論刑是從流竄

而東宮親昵之黨亦參帷幄之謀顧偷冒以取恩陷君父

於不義必資懲創以盪奸源議法當然非朕敢赦而曾不

知過交構流言興謗道途扇惑入聽蓋以從前搜捕未盡

巢穴猶存再令根尋果獲去惡無非近戚咸伏其辜在臣

節而既虧於國章而難追并已從別勅處分除竄逐遐荒

及配諸陵守當外應諾惡黨從祖兄弟子壻妻旅內外親

戚門生故吏及此來別居并從疎遠等降德音後一切不

司諸使更不用尋勘務從寬恕俾絕憂疑惟先推鞠

得姓名合流者雖已逃竄如獲日准前勅處分頃者屢降

明詔以順人心重此究窮蓋非獲已今則更無餘孽求絕

猜嫌攄憤之志既申懲惡之刑亦至乘春布澤大與惟新

明示中外咸知予意主著施行大中八年正月十一日

誅逆人蘇佐明德音

編制

勅蓋君天下者莫尚乎崇淡泊子惠困窮遵道以端本推

誠而逮一作下故聖祖之誠以慈儉為寶大易明訓垂簡

易之文未有上約而下不豐欲寡而求不給朕以眇薄遭

逢內難刷君父之仇耻攄億兆之哀寃有一作股肱之大

臣群卿庶士引義抗請至于再三以圖宗社之安以答華

夷之望俯從衆欲夙夜震兢思所以克已復禮脩政安人
宵興匪寧旰食勞慮夫儉過則酌之以禮文勝則矯之以
質庶乎俗登太古道洽生靈儀刑邦家以化天下其在內

宮女

四字一作內庭
宮人非職掌者

宜放三千人其中願嫁及歸近親者

竝從所便不須尋問其長春宮總監及脩造等竝依本月
十三日勅處分其長春宮見在錢及斗斛絲綿席草等約
二十九萬七千五百三十餘貫石兩領束等依前戶部收
管鄆縣漢坡鳳翔駱谷地等并宜却還府縣其教坊樂人
翰林侍詔醫一作術官并總監諸色職掌中冗員者共一
千二百七十人竝宜停廢其總監中一百二十四人先屬
諸軍竝宜各歸本司餘七百三人勒納牒身放歸本貫先

備教坊衣糧一百分廂家及諸司新加衣糧三千分竝宜
停給應緣田獵鷹鷄獸犬等竝宜解放除五坊加配諸鷹
鷄等及長慶已來每年常進外宜索者自今已後一切停
進其須備蒐狩要量留者宜准憲宗朝故事其今年新宣
附食度支衣糧小兒一百人竝宜停罷應副別詔宣索纂
組彫鏤不在常貢者一切竝停度支鹽鐵戶部及州府百
姓應供宮禁年支一物已上竝准貞元中額爲定度支檢
勘具元和以來加配合停色數二十日內分拆聞奏并散
下州府供司各令知悉先造供禁中床榻以金筐瑟瑟雜
寶鈿真珠碼碯裝飾宜停造東頭御馬坊毬場宜却還左
龍武軍其殿及亭子令所司毀拆收掠餘舍竝賜龍武軍

收管應行從處張設不得用花蠟結綵華飾今年已來諸

道所進音聲女兒一作人各賜疋一作束帛放歸應城外墳墓

先開斷道路以備行幸處宜令兩軍及府縣曉示百姓任

其脩塞其大逆魁首蘇佐明王加憲石定寬閭惟直及因

兇賊奸計遂與同謀人留克明田務澄許文端等汙瀦無

赦梟獍與倫各已處斬竝藉沒杖一作妖妄人僧惟真正簡

道士趙歸真楊冲虛方士李元戢等竝咸假託以醫方疑

衆挾姦十一字或作假如下筮矯誣干禁竝從流竄以清

京師其情非姦謀一作惡跡涉誑誤者自今已後一切不問

兇徒既殄寰宇佇康載舉令猷用弘庶慎一作績於戲昔漢

文惜十家之產而天下又我太宗文皇帝勤四海之理而

業昌暨于列聖罔不承式而歲代滋久訛弊以生偽委

艱故未遑改作朕祇荷神器重臻大寧將至躬以立訓奚

取新而革故咨爾百辟卿士外服侯衛其諭朕志未堅乃

心無逞欲而敗度自底身于不類率是敬典用孚于休布

告中外咸使知悉開元二年六月八日一作皆舊唐書文宗紀

誅張韶德音

編制諱令作常處厚

勅朕祇荷大構屬當冲眇九廟之嚴因予以輕重四海之

大由我而慘舒每懷推誠不敢自用大布利澤嘉聞讜言

庶無憊尤以享重負尚慮一作信不及物德不動天少一作

以懷宴安遽此致寇逆賊張韶蘇玄明等驅率工徒劫携

兵刃白晝竊發暴犯宮闈震驚朕躬近幸禁壘即勒五營

騎士七萃熊羆少命偏師纔分左廣皆憑忠奮發賈勇爭
前自申及酉撲滅皆盡斯實上玄降監宗社垂休愍予冲
人俾無顛覆其兩軍立功將士已節給優賞諸將校是一作
其日部領軍士者委有司即條流甄獎具名聞奏其逆賊
親屬除同居知情之外一切不得輒更追擾尚慮一作因
緣仇隙告訐平人自今日已後縱爲杖一作有黨所一作有
誑設者一切許其自新更不須勘問於戲秦皇車碎於博
浪漢高心動於栢人或不畏而終亡或自新而流祚齊晉
多難以啓國衛邢無難而喪邦蓋緣一作謂憂勤則福興安
肆則禍稔天其意者警於予乎而今而後知玄貺可以德
歸神器難乎力恃咨爾股肱輔臣庶僚百辟洎方郡侯伯

有位之士無或棄吾

一作予

謂不可教其有違道傷理徇慾

懷安而刺廷攻無有隱諱成王之紹文統武帝之開高業

皆蒞祚日末

一作日十

享國歲深夫豈他哉蓋大臣維之而不

跌也使朕無羞於二主者繫爾多士乎布告天下咸使聞

知

長慶四年四月三日

一作皆唐大詔令

唐書通鑑竝作四月丙申誅張韶蓋十七日也英

華作三日未詳

文苑英華卷第四百四十

翰林制詔二十一

德音七

雜德音一

貸逃背征役德音

編制

門下朕祗膺靈命君臨寓縣詔令作區宇承周弊之餘拯橫流

之難雖復蠲除徭賦督課耕農安集黎元與之休息然而

鯨鯢未剪四海多虞師旅荐興事不獲已及其士卒浮惰

苟求逸樂憚於征役離其營伍因此逃竄潛匿崎嶇盜竊

為資規免朝夕良由勸勵不明部署失所弛慢之責在於

朕躬琴瑟不調已云變革多墜刑網情實一作兼軫悼宜從

寬宥許以自新其義士募人有背軍逃亡者自武德二年

十月二十日以前罪無輕重皆赦除之饑寒困弊不能自
存者所在官司隨事賑給士非素厲難以應敵設法垂憲
期於不犯自今以後有背軍鎮征役者隨即科處必無容
貸宜明宣告咸使聞知

武德二年十月

原宥代州德音

詔令作宥劉武周餘黨詔

同前

門下祝網泣辜章乎舊典赦過宥罪著自前經往者劉武
周竊據邊陲擁逼良善石嶺以北皆罹其弊雖復武周奔
竄寄命番夷而殘黨餘氛尚懷旅拒致使朔漠猶警關塞
未寧屢動干戈又違聲教代州總管定襄王大思勤績克
著安輯邊境討擊未賓率其從化朕君臨天下義存撫育
念彼凋弊若納諸隍但朔代黎元逆命日久今雖歸附仍

屢

詔令作懷

反側其代州總管府內石嶺以北自武德四年三

月二十九日以前所有愆犯罪無輕重悉從原宥可並令

安居復業勿使驚擾

武德四年二月

恤刑慶賜德音

詔令作賜孝義高年粟帛詔

同前

又見太宗實錄

門下百行之本要道唯孝一言終身恕而已矣春生夏長

寬仁

實錄作簡詔令作裕

之令行焉齊禮道德耻格之義斯在朕爰

自幼年夙稟庭訓豈徒學聞詩禮因令匡定家國

實錄作國家

是以提三尺之劍起一旅之師戮鯨鯢於原野拔

實錄作救蒸

黎於塗炭雲雷締構備嘗夷險仁發於心義形於色大敵

必勇匪爲身謀大憝必誅志安天下太上皇留情姑射尚

想軒轅駐蹕大安使朕正居紫極顧惟虛薄辭不獲免祇

奉制詔負袞當朝乃眷宮宇載懷水谷未明求衣乙夜忘
寢靜思七政言念九功何以答上玄之心稱嚴君之志庶
欲勤恤典刑舉直措枉允釐人瘼親賢用能拯濟困窮抑
損澆偽開直言之路廣不諱之門聞所未聞日慎一日望
人皆見德變於志道若一物失所一人有惡則朕躬之責
實錄有訓道不明也朕聞書曰至誠感神况於兆庶乎比
恐字聞遠近黔黎耻為盜賊州縣囹圄多並空虛豈由德教至
此自是人心厭亂因其遷善可以化之朕往因征伐行天
下多矣每見村落丘墟未常不撫膺歎息自登九五不許
橫役一人唯冀遐邇休息得相存養長育詔令有序敬讓
興行其孝義之家賜粟伍石高年八十已上粟二石九十

已上三石百歲加絹二疋婦人正月以來生男者粟一石

鰥寡孤獨不能自存逃戶物還交實錄無糧貯州縣長官

量加賑恤詔令諸州官人或正直廉平刑清訟息實錄或

貪婪貨賄害政損人宜令都督刺史以名封進白實錄屋

之內問閭之人但有文武才能灼然可取或言行忠謹堪

理時務或在昏亂而肆情遇太平而克已亦錄名狀與官

人同申泣辜慎法前王所重枉繫一日事等三秋州縣法

司特宜存意普告天下知朕意焉貞觀三年四月

養老德音詔令作大上皇康復詔同前

門下書不云乎一人有慶兆民賴之朕虔奉大安愛敬崇
極日嚴之養祗慄斯在近日聖躬遠豫寢膳有虧憂懼在

懷不遑寧處博求醫術備盡蠲瘵祈告明靈具陳懇篤上
玄降福遂蒙昭祐應時康愈萬福咸宜喜幸之隆實兼家
國思班愷樂洽於卿士然而尚齒崇孝德教所先饗饋是
加義超常等諸州都督刺史及文武官人老人八十以上
并孝子旌表門閭者並宜節級賜物以申饗宴庶使萬國
之內同此歡心施于四海皆知朕意

貞觀四年七月

優獎太原勲舊德音

詔令作高祖山陵畢賜元從功臣及百姓恩澤詔

同前

門下高祖太武皇帝天縱神武膺籙受圖可久之德格乎
區宇敦睦九族協和萬邦賢能必進德化潛洽華百王之
弊興三代之風天平地成邇安遠肅至德被於四海休烈

光於千載巍巍蕩蕩無得而稱焉朕嗣膺寶祚夙夜兢惕
思述先志被之率土其內外姻戚平生故舊太原元從官
人及歷試之所文武僚佐爰洎胥吏往雖每降國恩恐未
周悉或才用不申階品屈滯或家道貧匱子孫淪沉須有
矜量咸使得所先朝憂勞庶政唯以恤民為本諸州都督
刺史政績可稱者宜以名聞奏其諸州百姓營奉山陵者
宜量與詔令蠲免可令所司詳為條例聞奏并務從優厚
稱朕意焉貞觀九年十一月

嗣聖德音

後編作發宣撫使勅

同前

門下昔者明王之御天下也內有公卿允釐庶績外有侯
伯司牧群黎猶懼至道不孚淳風或替故有巡狩之典黜

陟幽明行人之官省方察俗用能遐邇咸乂一作遂性情偽無遺於變時雍率其道也朕祗膺嗣德恭守帝圖上稟過庭之謨下憑士庶之力竭精思理兩載于茲冀逮小康漸躋至化而區宇遐曠風教未周負宸長懷責深在已近者奸回構釁竊起蕭牆宗社降靈應時殲殄今又恭承聖訓總統大猷率彼百官齊茲七政恐倉廩不實禮節未興吏靡息於貪殘人或滯於幽枉末言於此明發疚懷今卜征未及時邁仍遠宜分輶軒慰撫黎庶畢構等並操履公清識具明允茂績彰於歷試嘉譽滿於周行宜膺行李載光原隰所至之處申諭朕心并令屏絕浮華敦崇仁厚務修孝悌勤事農桑耆老鰥嫠征人家口不自存者咸加恤問德

舉言揚唯賢是急若有良才異等藏器下僚哲人奇士隱淪屠釣審知才行灼然者各以名聞凡百牧宰洎乎吏人咸悉朕心各敬廼事勤則不匱仁遠乎哉勉矣勗之以副朕意先天二年七月

此篇四百六十一卷重出今已削去

居大明宮德音

一作大明宮成
放免囚徒等制

蘇頌

黃門朕聞養人者謂之司牧非逸於人上事天者謂之帝

皇

一作王

蓋御乎

一作於

天下故作為棟宇以避燥濕居於臺

榭以順高明斯乃奉時令布政教一作而也朕以不德祇

膺睿圖寶十家之產愛兆人之力未嘗興功於土木役思於池籞冀之休又以致雍熙自律應長羸時方大暑導雲

屢起溫風且至伏以太上皇宴居珍一作衛條慮清閑迹

不往於其泉心每期於汾水朕侍于左右以奉晨夕助玄

默之化則虧於聽理當炎蒸之序又瀆以囂煩惕焉在懷

敢忘順色然大明創兆先聖所營即舊不加因時而往千

門萬戶外雖謂於別宮一日三朝中自連於複道下所以

寧問安之懇上所以資習靜之娛實獲我心裨康政理古

有服珍裘者則念人之寒居夏屋者則念人之熱况此歲

阻饑饉甫田不稔或愚人陷罪園土彌寬凡厥庶寮將何

以恤兩京及諸州宜令長官親理寬獄除犯名教及官典

犯贓并緣祿一作妖偽以外餘罪徒以下咸宜赦免其有

茂才異等拔萃超群緣無紹介久不聞達者咸令自舉朕

嘗親問其應宜撫咸使名聞舉人試第四等宜准舊例別

加優獎見任人各量與改轉前資當選人至冬依選例處

分其未出身者兼一作並授散官先天以來軍將押衙官等

在陣戰亡者令本軍勘實奏聞其妄說災祥狂惑閭里并

令州縣長官等嚴加捉搦仍令御史金吾訪察繩糾有能

直言極諫補朕之闕者各封狀進朕將親覽如有可採當

加獎擢其皇親諸親及東宮承優任員外檢試等官近停

令至冬處分者有家道貧迫情願外任者亦令所司勘績

關量才注擬其緣坐流人處置有輕重不類者令所司勘

會聞奏主者施行開元二年六月八日一作皆唐大詔令

營興慶宮德音一作興慶宮成御朝德音編制

門下朕昔在藩國此維邸第乾坤未泰陰陽尚蒙則有神
物効靈祥符肇貺飛嘉一作佳氣於在田之際湧瑞池於或
躍之時惟此舊居式加新宇周墻僅板於百堵卑宮不堦
於三尺棟梁之用毀撤所餘聊以紀天地之休徵貽子孫
之儉約耳屬春令變一作爰始時惟發生萬國來朝千官入
賀既稱觴以獻壽宜施惠以布德况農桑在候稼穡正興
或幽被囹圄獨隔陽和之澤或迫於徭役不遂農桑之務
言及於此軫歎良深其徒已下罪且令責保其一作井應當
番兵丁匠等灼然單貧者所由勘會並放營農所在訴訟
長官隨事踈理勿使冤滯非軍國所要餘不急之務一切
並停仍加勸課循植農穡其河北水損戶既屬春事慮

是絕不支濟者宜委使與州縣相度量加賑恤諸馳行人
之家及鰥寡惻獨不能自存者州縣長官親加優撫使得
存濟應有差科量事矜放且宣風緝化職在令長有司銓
藻之次特宜審擇其才惟德與刑為政之要頃無聞於風
化多取威於檟楚理人之道其若是乎愚昧之流或輕抵
犯宜加曉諭使識章程其含生之類不得輒有屠殺天下
捕獵亦宜禁斷仍嚴加捉搦百司各遵時令務弘寬大之
典使正理無失稱朕意焉開元十六年正月二十六日

一作皆唐大詔令

皇太子納妃德音

張九齡

勅禮有謹於初義亦重其本凡是姻媾且宜正於人倫况

在元良更將承於宗祀皇太子鴻儲副是屬仁孝自然爰
從吉辰式備嘉禮上祀一作下繼君子重之言告言歸朕
豈無慰非獨在予之慶宜申與衆之澤應天下囚徒死罪
特宜免死配流嶺南遠處流罪降至徒徒已下罪並宜釋
放其造偽頭首勾合知情受偽人等罪雖徒流仍使隸於
百姓至彼勿許東西諸道征行人家及鰥寡憫獨委州縣
長官檢校矜放差科使安其業中間有不支濟者量事賑
給仍量助其營種長安萬年兩縣百姓及今月當上曠騎
衛士雜匠掌閑幕士駕士工人樂人供膳主膳官馬主食
弓手等並免其家今年地稅三衛細引飛騎萬騎監門長
上及禮生有職掌者各減一年勞在京文武官九品已上

在京外官因公使及堂上在京新除五品已上外官未
詳并致使官朝朔望者各賜勳一轉東宮官九品已上及
諸司緣禮會祗供官等更加勳一轉五禮使兵部尚書兼
中書令蕭嵩特封徐國公禮會使黃門侍郎同中書門下
平章事韓休特與三品妃禮會使少府監馮紹正賜紫金
魚袋諸副使及判官更加勳一轉禮官僉者夾侍官及孔
目官使典主旌節等選日優與處分仗內馬家內侍省給
使教坊音聲人緣太子禮會祗供者各賜勳一轉皇太子
舅尚輦奉御趙迥特與三品仍改與三品官前右武衛
騎曹趙迥進特與五品仍改與五品官皇太子侍讀侍書
等各加一階皇太子諭德潘蕭特與五品太子妃兄通事

舍人薛愿特與五品仍改與五品官見吏部常選怵特與
五品仍與五集作六品官今日應預會官等各節級給賜物
即宜領取宴慰者所以宣其情頒賜者所以將其意公卿
百辟庶知朕心開元二十一年五月二十一日

優恤德音

門下朕猥集休運多謝哲王而哀矜之情大小必慎自臨
寰宇子育黎蒸未嘗行極刑起大獄上玄降鑒應以祥和
叶平邦之典致之仁壽之域自今有犯死刑除十惡宜令
中書門下與法官詳所犯輕重具狀奏聞崇德尚齒三代
不易移風勸俗五教攸先其曾任五品已上清資官以理
去職者所司具錄名奏老疾不堪並重務者與致仕祿道士

道士宜隸宗正寺僧尼令祠部檢校百司每旬休節假
並不須親識事追勝為樂以示內外知朕意焉開元二十五年正月十七日

歲初勅分德音

張九齡

勅天地以大德育群生詔令作生群有聖人以大寶守萬物古者

受命之君謂之承天之序明有所代夫豈徒然若道無欽

崇命不永保帝實臨汝人曷戴君朕所以每期庶乎合於

仁覆之意也夫伏羲神農黃帝堯舜或誅而不怒或教而

不誅彼亦何為獨臻於此朕自有天下二紀于茲雖未能

畫衣以禁亦未嘗刑人於市而政猶躡駁俗尚澆漓當是

為理之心未返於本耳凡人豈不仁於父母兄弟不欲於

飲食衣服乎而率彼無孝友之名不溫飽之困其故何哉
蓋未聞義方不識善道或任小智而為偽或見小利而苟
得致遠則窮繼之以暴已而身受戮辱家不相保愚妄之
徒類多自陷獄訟之弊恒由此作吁可悲乎亦在教之不
明也蓋刑罰者不獲詔今已而用之天下黔黎皆朕赤子
以誠告示其或知歸何必用威然後致理先務仁恕寧不
懷之且五常循行豈須深識六親和睦何待丁寧自宜勉
之以副所望刑措不用道在于茲今獻歲之吉迎氣伊始
敬順天常無違月令所由長史可舉舊章諸有嫗伏孕育
之物蠢動生植一作之類慎無殺伐致今天傷九土異宜
三農在候聚眾興役妨時害功特宜禁止以助一作春

亦令所由一作在一作隨事優恤蓋不體仁無以為長不知道無

以用心故道者衆妙之門而心者萬事之統得其要會義

可以兼濟於人失其指歸生不能自全於已故我玄元皇

帝著道德經五千文明乎真宗至於妙用而有位者未嘗

詔今講習不務清淨一作欲今所為之政詔今教何從而

至于太和者耶百辟卿士各須詳讀勉存進道之誠更圖

前席之議至如計較小利綜緝煩文邀名且行去道彌遠

違天和氣生人怨心朕甚厭之所不取也各勵精一共興

玄化俾蒼生登於仁壽天下還於淳朴豈遠乎哉行之可

至其老子道德經宜令士庶家藏一本仍勸習讀使知指

至其老子道德經宜令士庶家藏一本仍勸習讀使知指

要每年貢舉人量減尚書論語一兩道策准數加老子策
俾敦崇道本附益化源朕推誠與人有此教誠必驗行事
豈垂空言今之此勅亦宜家置一本每須三省以識朕懷

開元二十二年
正月一日

文苑英華卷第四百四十

聖年百舉人量裁尚書給... 道兼在教加老...
仰教學道本附益化... 欣推... 以人有此教誠必...
豈幸空言今之... 轉亦宜家置... 一本每... 三省以識朕懷
... 二十...
... 日

文苑英華卷第四百四十

